

PLOANIES SAN MARTIN Y LUNGIARÜ

Al post de siur Iaco Willeit el gnü nominé siur Klaus Sottsas sciöche degan dla Val Badia y Ploan de dötes les Cöres dla valada, dal 1 de setëmbel 2026 inant.

Curs de formaziun abilitant por insegnanc/antes de religiun tla scora elementara
Le curs é preodü por porsones che é bele tl monn dl laur, che á ligrëza da se dé jö cun mitans y mituns y á interes por domandes religiozes, teologiches y etiches. Al mët man d'agost 2026 y vá cina de ma 2029, da dui a trëi iadi al mëis le vëndres domisdé (la maiü pert online) y la sabeda döt le de en presënza a Porsenú tla « Philosophisch-Theologische Hochschule ». Anunziesse präibel cina ai 15 de merz. Info sot a: <https://www.pthsta.it/studium/religionsunterricht-in-grundschule>.

Ora d'oraziun en vëndres, ai 13 de merz, dales 20.00, tla stüa dla ciasa de nosc Sant a Oies. Düc é dër bel invia da tö pert.

Via Crucis sö Oies: La sabeda ai 21 de merz, se metará i ministranc y les schires joniles dla Val Badia sön tru por dí les staziuns. An piará ia düc adöm da San Linert dan colonia dales 14.45 y jará deboriada en prozesciun cina sö Oies. Tl caje de bur tēp s'incuntarán diretamēter sö Oies dales 15:15. Dedö s'abinanrán a na Mëssa cun aurela cörta ala fin. Düc é dër bel invia da tö pert!

SAN MARTIN

Tla sentada di 3 de merz s'á le consëi de cöra dé jö cun i cunc dla cöra dl ann 2025. Al gnará partí fora na comunicaziun a vigni familia. Pro la sentada é ince gnü baié dl program dla Carsëma y de d'atri punc che reverda la vita dla cöra. De setëmbel vëgnel fat na prelita por le consëi de cöra 2026-2031.

I orun ti fá de cör nostes congratulaziuns a laroné Chizzali che á cialé tla sentada dl Verband der Kirchenmusik Südtirol ai 7 de forá a Porsenú la medaia diozejana por 65 agn de sorvisc da organist y ti dí n bel gran dilan, che ldí ti al paies.

LUNGIARÜ

I/les seniors/es da Lungiarü é dër bel invia/des da gni le mertesc ai 10 de merz dales 14.00, a chidlé a Al Plan tl "Hotel Waldruh". I s'abinun por les 13.30 sön plaza dlungia le Sanví y jun cun auti privac ciaran da senté adöm tan ch'ara vá.

Les iscriziuns ales Scores de musiga dla Provinzia por l'ann ann de scora 2026/27 vëgn fates "online" dal 1 al 31 de merz 2026 ciarede plü avisa tl'ultima plata.

La Uniun Teater La Val porta dant sön paladina la comedia "Le Jüch". Al é n teater tut dal film "Perfetti sconosciuti" de Paolo Genovese, che á albü n suzes straordinar. Al é aconsie a n publich adult da 14 agn insö. Al vëgn presenté: vëndres 20/03 dales 20.00, domënia 22/03 dales 20.00, dedemesaledema 25/03 dales 20.00, sabeda 28/03 dales 20.00, domënia 29/03 dales 18.00. Prenotaziuns ai nr. 340 89 51 293 o 333 46 16 848 por sms o telefon dales 18.00 ales 21.00



Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

08.03.26 - 15.03.26 n. 15

termo por comunicaziuns: jöbia, dales 20.00

3ª DOMÈNIA DE CARSÈMA - A

Vangele do san Jan 4,5-42

La ëra samaritana ti à dit a Gejù: Cò poste pa tö sciöche iüda perié mè, na samaritana, do ega? I iüdes n'á pordërt degöna conferta cun i samaritans. Gejù ti à respognü: Sce te savesses, te cî ch'al sta la scincunda de Dî, y chë ch'al é chël che te dij: Dame da bëre!, spo l'esseste tö perié, y al t'ess dë ega via. Ara ti à dit: Signur, te n'as degöna massaria y le poz é sot; da olâ aste pa spo l'ega via? Este pa tö maiü co nosc pere Iàcob, che nes à dë chësc poz y che à instës boiü d'infora, sciöche ince sü fis y sü pastorëc? Gejù ti à respognü: Chël che bër de chëst'ega, cialfarà indö sëi; mo chël che boiarà de chë ega che iö ti darà, n'arà mai plü sëi; deplü, l'ega che iö ti darà deventarà te ël na fontana d'ega che sprinza por la vita eterna.

La ëra ti à dit: I sa ch'al vëgn le Messia, che é le Crist. Canch'al vëgn, nes incundaral döt cant. Dailò ti à Gejù dit: Iö sun chël, iö ch'i baii cun tè.



"Iö sun chël, iö ch'i baii cun tè." Cun chëstes parores proa Gejù da se dé da capí. Chël Bel Dî é, y al é chiló. Al é chiló y operëia. Y al baia cun na porsona. Chël Bel Dî se mët en relaziun y en comuniun y tol sö contat cun chësta ëra te dötä súa personalité y cun dötä súa storia ch'ara á iadedö. Chësc vangele á por contignü na noela che nes consolëia, che nes nudrësc y nes renforza dër te tēmps olache ldí ne ti dij a tröpa jënt nia plü gran tröp. An ne sint nia plü le debojëgn da le chirí y da crëie te ël. Mo Chël Bel Dî é chiló, y al paia la mëia da crëie te súa realté. image

EDEMA - A	SAN MARTIN	LUNGIARÜ	La tle da ti jí adincuntra al proscim  Bëgn vigni de incuntunse porsones cun chères ch'an podess s'la cunté. Mo sc'i sun sinziers baiunse scialdi ma dl tēmp y de cosses da nia. Danterite nen fossel dessigü de chi che s'aspetass na conferta plü sota o che éss debojëgn da cunté val' deplü. Por tröc vá les incuntades fora a öt deach'an é spau i massa stanc, deach'an á preiudizi defrunt a chël o a chëra o ch'an n'ó nia avëi da fá val' impara. Tan buna y importante che na conferta podess ester nes mostra le vangele dla conferta de Gejú cun la samarita pro le fistí de Iacob. Na buna conferta pó sovënz ester la tle da ti jí adincuntra al proscim. <i>Sonntagsblatt</i> Ai 10 de merz mët man la novëna a sant Ojöp  <i>Sideste saludé, tö protetur dl Salvatur y om dla vergina Maria. A te t'á Chël Bel Dî afidé so Fi, en te á Maria metü süa confidënza, pro te é Gejú chersciü sô gran. Oh sant Ojöp, desmostrete ince a nos sciöche pere y condüjesse por le tru de nosta vita. Prëiesse decá grazia, misericordia y coraje y straverdesse da döt le mal. Amen. Papa Francësch</i>
08.03.26 3^a DOMËNIA DE CARSËMA - A Domënia dla solidarité	9.30 Corona/Staziuns (<i>prou da Oies</i>) 10.00 Gran Mëssa por la comunité +++ Albina, Loise y Paula Ploner + Augustin Clement vis y def. fam. Flöss, Coltlames + Stefo Costabiei Oferta por ACLI KVV 13.30 Bato de Marie Clara de Raimund y Veronica Pedevilla	7.50 Les Staziuns 7.50 - 8.10 Confesciuns (<i>prou da Oies</i>) 8.15 Gran Mëssa por la comunité Oferta - De d'oraziun por les ères + Vittoria Clara + Angela Costa + Vito Clara, Somví por les püres Animes	
09.03.26 <i>Domenico Savio, Bruno</i> Lönesc		7.30 Mëssa por i scolars dedô Pröma Confesciun di neocomunicanc	
10.03.26 <i>Gustav, Eugenia</i> Dedolönesc	8.00 Mëssa + Mariangel Tavella + suor Maria Paula Fontanella		
11.03.26 <i>Rosina, Costantin</i> Dedemesaledema	18.00 Les Staziuns cun la Uniun di Seniors	16.00 Les Staziuns cun scolars y families	
12.03.26 <i>Nicodem, Beatrix</i> Jöbia	19.00 Mëssa + Angelina Tolpei, dl ann + Teresa Ferdigg		
13.03.26 <i>Iudita, Paulina</i> Vëndres	18.30 Adoraziun chîta 19.00 Adoraziun deboriada	7.30 Mëssa families de Angel Sorà +++ Nisio, Emilia y Pire Clara	
14.03.26 Sabeda <i>Matilda, Conrad</i>	18.00 - 18.30 Confesciuns 18.30 Mëssa prefestia (<i>don Marco</i>) + Otto Erlacher, dl ann + Giovanni Sorà, dl ann + Giovanni Unterweger vis y def. fam. Erlacher, Cheder		
15.03.26 4^a DOMËNIA "Laetare!" DE CARSËMA - A Domënia di Seminars	9.30 Corona/Staziuns (<i>siur Klaus</i>) 10.00 Gran Mëssa por la comunité en onur de S. Ojöp da Nazaret vis y def. fam. Flöss, Coltlames +++ Otto y Paola Clement Oferta por i seminars	7.50 Les Staziuns ciantades dal Cor 7.50 - 8.10 Confesciuns (<i>siur Klaus</i>) 8.15 Gran Mëssa por la comunité + Giovanni y Herta Clara dl ann + Guido Clara ++ Iaco y Veneranda Clara, Oriana dedô poscibilité da ciafé l'Öre Sant	